

MAGNIFICO AC  
STRENVO VIRO D. FRANCISCO  
DRACO ANGLOEQUITI AVRATO

12.

Quam benè conueniens rebus Franciscæ gerendis  
Angliacæ gentis gloria, nomen habes.  
Nam velut aduersus fera bruta animosior ire  
Nec solet, vllius vim metuisse Draco.  
Sic contra Franciscæ feros audentior hostes  
Vadis, & illorum cornua torta domas.  
Non ortu generis, Virtute sed acriter ipsa  
Pro patria fidum corque animumque probas.  
Ipsa etenim virtus sibimet gratissima merces  
Ipsa viros verè nobilitare solet:  
Sola viget virtus, operosaque gloria rerum  
Sola manet tristes nec timet ipsa rogos.  
Per varios casus varia & discrimina rerum  
Visus es a vestro longius ire polo.  
Sæpius & terris rapidis iactatus & undis  
Non leuiora vago passus Vlijsse mala es.  
Vidisti occiduj longinqua cubilia Solis  
Quâ niger auriferas potat Iberus aquas.  
Vidisti populos, quos Sol vicinus adurit  
Aurea quâ flauis splendet arena Tagi.  
Hinc meritamque tibi peperit Victoria laudem  
Armatas ducens per freta vasta rates.  
Obstitit haud ventus spatiosa nec obstitit unda.  
Virtuti præbent Ventus et unda Viam.  
Ergo tuum Franciscæ decus nomenque vigeat  
Maior septena dum micat vrsa face.



I. H. D. Ioh. Herculanus Danus

LONDINI

Excudebat Joannes Charlewood.

pro Roberto Vallie. 1587.